

Ժողովուրդ

15 դեկտեմբերի ուրբաթ 2023
տպագրության ԺԲ տարի

180
(2846)

Թ. Երևան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՊԱՏՔԱՄԱՎՈՐԻ ԱՄՈՒՄԻՆԸ ԼՎԱՑՄԱՆ ԿԵՏ Է ԲԱՑԵԼ



«Ժողովուրդ» օրաթերթի տեղեկությունների համաձայն՝ էմմա Պալյանի ամուսինը՝ Ալբերտ Մարտիրոսյանը, Գյումրի քաղաքը սպասարկող «Գյումրի ավտոբուս» ՓԲԸ-ի տարածքում մեքենաների վաճառման կետ է բացել: «Ժողովուրդ» օրաթերթն ահազանգ է ստացել, որ քաղաքապետարանին, բուժ-հաստատություններին պատկանող ավտոմեքենաները, հրահանգված է, քՊ պատգամավորի ամուսնու վաճառման կայանում վաճառվի:

«Ժողովուրդ» օրաթերթը այս առիթով կապվեց պատգամավոր էմմա Պալյանի հետ՝ պարզելու՝ արդյոք այս տեղեկությունները ճիշտ են, թե ոչ, եւ ինչու է նրա ամուսինը միշտ արտոնյալ:

«Հիմա ամուսինն աշխատում է «Հայ անտառ» ՊՈԱԿ-ում: Ես ապշում եմ նման վառ երեւակայության վրա: Որեւէ նման ինֆորմացիա չկա, որ պարտադրանք լինի, այն էլ՝ հիվանդանոցների: Նման պարտադրանք չկա: Ես իմ ամուսնու գործունեությամբ այդքան չեմ զբաղվում, բայց ձեր նշածը բացարձակ սուտ է. նման պարտադրանք չկա, չի կարող լինել»:

Նկատենք, որ էմմա Պալյանը ոչ մի կերպ չէր քննարկում ավտոմեքենաների վաճառման կետի հանգամանքը, իսկ պետական պաշտոն եւ բիզնես համատեղեցիությունը լրիվ անօրինական է, ինչի մասին ԱԺ-ում հարցախեղդ էր անում քՊ-ն Կոռուպցիայի կանխարգելման հանձնաժողովի նախկին նախագահ Հայկուհի Հարությունյանին:

Հիշեցնենք նաեւ, որ «Ժողովուրդ» օրաթերթը նախկինում գրել էր՝ քՊ-ական էմմա Պալյանը աշխատանք չունեցող ամուսնուն իրեն օգնական է նշանակել: քՊ պատգամավորը պարզաբանել էր. «Իմ ամուսինը հասարակական հիմունքներով օգնական է գրանցված միայն այն պատճառով, որ ես մարզից ընտրված պատգամավոր եմ, հաճախ եմ լինում Ծիրակի մարզում եւ Գյումրիում, եւ երբ տեղափոխվում եմ Երևան, իմ ամուսինն է ինձ բերում ԱԺ: Որպեսզի շենքի դրսում չսպասի, դա իրեն հնարավորություն է տալիս մուտք գործել ԱԺ շենք եւ իմ աշխատասենյակում սպասել, մինչեւ ես աշխատանքս ավարտեմ, եւ միասին վերադառնանք մարզ կամ այլ գործի»:

Նիկոլ Փաշինյանը որոշել է մաքրել իր թիմը: Ինչպես «Ժողովուրդ» օրաթերթի իշխանական աղբյուրներն են փոխանցում, Փաշինյանը հրահանգել է հնարավորինս սեղմ ժամկետում ազատվել բոլոր այն պաշտոնյաներից, անգամ ոչ բարձրաստիճան, որոնք քՊ անդամ չեն, կուսակցության գաղափարները չեն կիսում եւ համարձակվում են չեզոքություն պահպանել: Ուղղորդում Փաշինյանը հրահանգել է ազատվել բոլոր ոլորտներում կլինի դա կրթություն, առողջապահություն, սպորտ, թե անգամ մանկապարտեզի կամ դպրոցի տնօրեն. նրանք ովքեր քՊ անդամ չեն, իլու-հնազանդ համակիրը չեն, ուրեմն կառավարման ոլորտում տեղ չունեն: Օրերս Երևանի քաղաքապետարանից հայտնել էին, որ 11 մանկապարտեզների տնօրեններ ազատվել են աշխատանքից: Ինչպես մեր աղբյուրներն են փոխանցում, սրա հիմնական պատճառն էլ եղել է այն, որ տնօրենները քՊ-ական չեն եղել: Այսպիսով, կարող ենք արձանագրել, որ Հայաստանը «Ժողովուրդավարության բաստիոն» հռչակած թավջախեղափոխականները ոչ մի քննադատություն կամ ընդդիմադիր խոսք, այլակարծություն չեն հանդուրժում:



Դեկտեմբերի 13-ին Ղազախ-Իջեւան սահմանին Հայաստանն ու Ադրբեջանը գերիների փոխանակում իրականացրին: Ադրբեջանը վերադարձրեց 32 հայի, իսկ Հայաստանը՝ 2 ադրբեջանցու: Գերիների վերադարձի գործընթացից հետո համացանցում եւ հանրության շրջանում բուռն քննարկվեց նաեւ այն, որ սահմանին գերիների փոխանակումն իրականացնելու գործընթացը լուսաբանում էին միայն ադրբեջանական լրատվամիջոցները, իսկ հայկական ԶԼՄ-ներն այնտեղ չէին: Մինչ ադրբեջանական պետական լրատվամիջոցները մեծ շուքով լուսաբանում էին գործընթացը, հայկական լրատվամիջոցները հնարավորություն չեն ունեցել անգամ գնալ սահման՝ լուսաբանելու հանրության համար այդ խիստ կարեւոր ու սպասված իրադարձությունը: Տիպիկ իրավիճակ էր ստեղծվել նաեւ այն առումով, որ հայկական կողմը գերիների վերադարձի կոնկրետ տեղի եւ ժամի մասին տեղեկանում էր ադրբեջանական լրատվամիջոցներից: «Ժողովուրդ» օրաթերթը դիմեց ՀՀ կառավարություն՝ պարզելու, թե ինչու հայկական ԶԼՄ-ների այցը սահման չէր կազմակերպվել: «Նպատակահարմար է համարվել այդպես կազմակերպել, այս դեպքում կարելու էր գերիների վերադարձն է: Այս դեպքում կարելու էր համարվել, որպեսզի առաջնահերթ կերպով գերիների վերադարձը կազմակերպվի», - ասաց Տեղեկատվության եւ հասարակայնության հետ կապերի վարչության պետ Արմեն Խաչատրյանը:



Պատական համակարգում իրարանցում է: «Ժողովուրդ» օրաթերթին հասած տեղեկությունների համաձայն՝ դատավորների մի խմբի տեղեկություններ են հասել, որ իրավապահները որոշ դատավորների մասով օպերատիվ տվյալների են տիրապետում: Մասնավորապես՝ տվյալներ կան, որ դատավորներից մեկը կաշառք է վերցրել: Ավելին՝ մեզ հայտնի է դարձել, որ Սևանկույան դատարանի դատավորներից կոնկրետ դատավորի շուրջ օդակը սեղմվում է: Ի դեպ, դատական համակարգում անուններ են տալիս, որոնք պոտենցիալ մեղադրյալներ են, սակայն «Ժողովուրդ» օրաթերթն այս պահին չի հրապարակում անմեղության կանխավարկածի սկզբունքը պահպանելու համար: Տեսնենք, թե ինչ արդյունք կունենա իրավապահների օպերատիվ տվյալների մշակումը, եւ ինչ է սպասվում Սևանկույան դատարանի դատավորներին:



ՀԱՅՏՆԵՑ

ԿՈՎԿԱՍՅԱՆ ԵՐԿՐՆԵՐԸ՝ ԽԱՂԱՊՈՒԹՅԱՆ ԽԱՉՄԵՐՈՒԿԻՆ

Ադրբեջանում դեմ են հայ-ադրբեջանական սահմանից զորքերի հեճառմանը:



«Կպատասխանեմ հակիրճ. համաձայն չեմ Հայաստանի ԱԳՆ ղեկավարի կարծիքի հետ», - երեկ Թուրքիայի արտգործնախարար Հաքան Ֆիդանի հետ համատեղ ասուլիսում ասաց Ադրբեջանի արտգործնախարար Զեյնուլ Բայրամովը՝ մեկնաբանելով Հայաստանի արտգործնախարար Արարատ Միրզոյանի հայտարարությունը՝ սահմանից երկու երկրների զորքերը հետքաշելու մասին: «Հայ-ադրբեջանական սահմանը սահմանազատված չէ, սա բավականին բարդ խնդիր է: Եթե զորքերը դուրս բերվեն առանց լիակատար համաձայնության գալու, ո՞վ կարող է երաշխավորել, որ կողմերից մեկը կրկին դիրքեր չի զբաղեցնի: Այսօր ադրբեջանական բանակը պաշտպանում է Ադրբեջանի սահմանները, ինչը տրամաբանական է: Ադրբեջանական բանակը որեւէ մեկի բարի կամքով կամ հրավերով չի եկել այս սահմաններին կանգնել: Ադրբեջանական բանակը 30 տարվա արյունահեղությունից հետո ազատագրել է իր հողերը եւ այսօր կանգնած է սահմաններին: Մեր սկզբունքային մոտեցումն այն է, որ Ադրբեջանի սահմանը կարող են պաշտպանել միայն ադրբեջանցի զինվորները. դա չի կարելի վստահել երրորդ կողմին: Դա Ադրբեջանի ինքնիշխան իրավունքն է: Մենք խորհուրդ ենք տալիս Հայաստանին ուշադրություն դարձնել մեր կառուցողական առաջարկներին, այս դեպքում հարցերը կարող են դրական զարգանալ», - ընդգծել է Զ.Բայրամովը: Ադրբեջանի ԱԳՆ ղեկավարը Թուրքիային անվանել է «անաչառ կողմ» Բաքվի եւ Երեւանի միջեւ բանակցություններում: «Թուրքիան նաեւ Հայաստանի հետ հարեւան է: Որպես տարածաշրջանային

ՈՎՔԵՐ ԷՐՆ ՄԵԿՆԵԼ ԽՈՐՎԱԹԻԱ

Նոյեմբերի 21-ին Խորվաթիայի մայրաքաղաք Զագրեբի «Մաքսիմիր» մարզադաշտում կայացավ ՈւԵՖԱ Եվրոպայի 2024 թվականի առաջնության որակավորման խմբային փուլի D խմբի վերջին մրցափուլի Խորվաթիա-Հայաստան հանդիպումը: Հանդիպման 43-րդ րոպեին Խորվաթիայի հավաքականի խաղացող Անտե Բուրիսիլը բացեց խաղի հաշիվը: Հավելենք, որ Հայաստանի ազգային հավաքականը Զագրեբ էր մեկնել նոյեմբերի 20-ին: Հավաքականի մարզիչ Ալեքսանդր Պետրարկովն ավելի ուշ հաստատել էր, որ հավաքականի վերջնական հայտացուցակում ընդգրկված են 23 ֆուտբոլիստներ՝ Օգնեն Չանչարեիչ, Ստանիսլավ Բուչնեւ, Արսեն Բեգլարյան, Անդրե Չալմեջը, Ալբերտ Խաչումյան, Տարոն Ոսկանյան, Ստյոպա Մկրտչյան, Ժիրայր Շադոյան, Էդգար Սեփկյան, Էդուարդ Սպերցյան, Արթուր Սերոբյան, Լուկաս Սելարայան, Կամո Հովհաննիսյան, Արթուր Միրանյան, Էրիկ Փիլոյան, Ժիրայր Մարգարյան, Հովհաննես Հարությունյան, Վրէյմար Անգուլո, Հրանտ-Լեոն Ռանոս, Արտակ Դաշյան, Նաիր Տիկնիզյան, Գեորգի Հարությունյան, Վահան Բիչախյան: Վարազդատ Հարոյանը եւ Ուգոչուկու Իվուն չմեկնեցին Խորվաթիա: Մեր ընտրանու ավագը բաց թողեց հանդիպումը ընտրական փուլում ստացած 5-րդ դեղին քարտի, իսկ Իվուն՝ Ուելսի դեմ խաղում ստացած վնասվածքի պատճառով: Ըստ տրամաբանության՝ Զագրեբ պետք է մեկնեին հայտավորված մարզիկները, մարզիչը եւ սահմանափակ թվով անդամներ, սակայն, «Ժողովուրդ» օրաթերթի տեղեկություններով, Խորվաթիա են մեկնել հնարավոր ու անհնարին, տրամաբանությունից հեռու ու մոտ մի շարք անձինք, որոնք փաստացի ոչինչ չեն ունեցել անելու. իրենց գործառույթը իրականացնելու կարիք եղել է Հայաստանում եւ ոչ թե Խորվաթիայում: Ըստ տեղեկությունների՝ ՀՖՖ-ի հաշիվին, Մեխիբեկյանի «դաբրոյով» Զագրեբ է մեկնել նաեւ ԱԺ պատգամավոր Սիսակ Գաբրիելյանը: «Ժողովուրդ» օրաթերթը հարցում էր ուղարկել ՀՖՖ պարզելու, թե, Հայաստանի ազգային հավաքականից բացի, ովքեր են մեկնել Խորվաթիա՝ խաղին ընդառաջ: Ինչպես էինք տրամադրել ցանկ: Նաեւ խնդրել էինք տրամադրել տեղեկություն, թե որքան գումար է ծախսվել նրանց թռիչքի, կեցության եւ օրապահիկի համար: Ինչպես միշտ, այս անգամ եւս Մեխիբեկյանի ղեկավարած կառույցը հարցերին պատասխանում է միեւնույն ոճով՝ լռությամբ: Հատուկ ՀՖՖ-ի անձնակազմի եւ Արմեն Մեխիբեկյանի համար հարկ ենք համարում նշել, որ տեղեկատվական հարցումներին պետք է պատասխանել 5 աշխատանքային օրվա ընթացքում: Ամեն դեպքում, այս ծածկադմիոցից որեւէ տվյալ չհաղորդելով՝ ֆեդերացիան գնդակը գլորեց դեպի Գաբրիելյանի դաշտ: «Ժողովուրդ» օրաթերթը օրեր շարունակ փորձեց կապ հաստատել պատգամավորի հետ՝ պարզելու, թե արդյոք գնացել է նա Զագրեբ, եւ եթե գնացել է, ինչ նպատակով: Սիսակ Գաբրիելյանը եւս մեր զանգերն ու նամակները թողեց անպատասխան. հնարավոր չէրավ պարզել, թե, օրինակ, այդ պատգամավորի եւ մյուս պաշտոնյաների ճամփորդության եւ կեցության ծախսերն ով է հոգացել:


ՕՐՎԱ ԽՃԱՆԿԱՐ

ԱԶԱՏԵՑ ԱՆԽԱՏԱՆՔԻՑ

ՀՀ վարչապետ Նիկոլ Փաշինյանի որոշմամբ՝ Ռուբիկ Նավոյանն ազատվել է ՀՀ Գեղարքունիքի փոխմարզպետի պաշտոնից: «Ղեկավարվելով «Հանրային ծառայության մասին» օրենքի 9-րդ հոդվածի 9-րդ մասով՝ Ռուբիկ Նավոյանին ազատել Հայաստանի Հանրապետության Գեղարքունիքի մարզպետի տեղակալի պաշտոնից», - ասված է որոշման մեջ:

ԲԿ՝ ՎԱՐԳԵՆԻՍՈՒՄ

«Ժողովուրդ» օրաթերթի փոխանցմամբ՝ Վարդենիսում բժշկական կենտրոն կկառուցվի: Կառավարության նիստում այս մասին հայտարարեց վարչապետ Նիկոլ Փաշինյանը: Վարչապետն առողջապահության նախարար Անահիտ Ավանեսյանից հետաքրքրվեց, թե կառուցման աշխատանքները ինչ փուլում են: Ավանեսյանը պատասխանեց, որ 2024 թվականին կիրականացվեն նախագծման աշխատանքները, այնուհետեւ՝ շինարարական աշխատանքները:



ԵՐԹԵՎԵԿՈՒԹՅԱՆ ՓՈՓՈԽՈՒԹՅՈՒՆ

Երեւանում տրանսպորտային հոսքերի անցանելիությունն ավելացնելու նպատակով ղեկտեմբերի 15-ից երթեւեկության կազմակերպման փոփոխություն կկատարվի Գայի պողոտա - Հովհաննիսյան փողոց եւ Գայի պողոտա - Քոչարյան փողոց խաչմերուկներում: Երեւանի քաղաքապետարանից «Ժողովուրդ» օրաթերթին հայտնում են, որ Գայի պողոտա - Քոչարյան փողոց խաչմերուկում Գայի պողոտա - Հովհաննիսյան

փողոց խաչմերուկից եկող ուղղությամբ, կավելանա եւս մեկ երթեւեկելի գոտի՝ «միայն ծախ»:
Գայի պողոտա - Հովհաննիսյան փողոց խաչմերուկում Գայի պողոտա - Քոչարյան փողոց խաչմերուկից եկող ուղղությամբ, կարգվի ծախ շրջադարձը դեպի Բողոջան փողոց, երրորդ երթեւեկելի գոտուց կթուլատրվի երթեւեկությունը «միայն ուղիղ»:
Միաժամանակ, Գայի պողոտայի ամբողջ երկայնքով ճանապարհային նշաններն ու գծանշումները կհամապատասխանեցվեն ընդհանուր օգտագործման տրանսպորտային միջոցների համար նախատեսված գոտու կահավորանքին:
ԹՈՒՐԹԻԱՆ ՈՒ ԽԱՂԱՊՈՒԹՅՈՒՆԸ
Թուրքիայի պաշտպանության նախարար Յաշար Գյուլերը Ազգային մեծ ժողովում հայտարարել է, որ կարեւոր հնարավորություն է բացվել Ադրբեջանի եւ Հայաստանի միջեւ մշտական խաղաղության հաստատման համար:
«Հայաստանը պետք է գործի՝ դա գիտակցելով: Մենք անկեղծորեն ցանկանում ենք, որ նրանք պատրաստակամություն ցուցաբերեն համագործակցել իրենց հարեւանների, ոչ թե ուրիշների հետ», - հայտարարել է Թուրքիայի պաշտպանության նախարարը:

ՀԵՏԱՊՆԴՈՒՄ

ԽԱՉԱՏՐՅԱՆԻ ՈՐՈՒՆԵՐՆ ՈՒ ՓՈՂԵՐԻ ԼՎԱՑՈՒՄԸ

«Ժողովուրդ» օրաթերթի Տեղեկություններում դասախոսող 2023 թվականի դեկտեմբերի 12-ին հաստատել է ՊԵԿ նախկին նախագահ Գ.Խ.-ի որդի Ա.Խ.-ի և եղբոր որդու՝ «Մույսի գրուդ կոնցեռնի» գլխավոր տնօրեն Ա.Ա.-ի և բանկերից մեկի վարորդ Ա.Պ.-ի վերաբերյալ մեղադրական եզրակացությունն ու վարույթի նյութերի հետ հանձնել Հակակոռուպցիոն դասախոսում:



Վերոնշյալ արարքների արդյունքում ստացված առանձնապես խոշոր չափերով գույքը, դրա օգտագործումից ստացված եկամուտները բանկային փոխանցումների միջոցով ուղղորդվել են Գ.Խ.-ի որդիներ Ա.Խ.-ի, Գ.Խ.-ի և եղբոր որդի Ա.Խ.-ի հետ փոխակապակցված կազմակերպությունների բանկային հաշիվներին, միախառնվել են այլ միջոցների հետ և տնօրինվել նրանց կողմից: Վերոնշյալ եղանակով 2011-2018 թվականների ընթացքում նրանց մասնակցությամբ գործող մեկ այլ ՍՊ ընկերությանը փոխանցվել է 39 մլրդ 723 մլն 323 հազար դրամի համարժեք գումար, որից որպես փոխառություն՝ 32 մլրդ 332 մլն 943 հազար դրամի համարժեք գումար: Ստացված, ինչպես նաև կանխիկ մուտքագրված և հեռահաղորդակցության ոլորտում գործունեություն իրականացնող ՍՊ ընկերության ֆինանսական միջոցների հետ միախառնված գումարի մի մասը՝ 8 մլն 589 հազար 900 ԱՄՆ դոլարը, Գ.Խ.-ի որդիների և եղբոր որդու պահանջով, փոխառության վերադարձի հիմնավորմամբ, ընկերության տնօրենի անվամբ կանխիկացվել, ապա մուտքագրվել է Բրիտանական Վիրջինյան կղզիներում գրանցված ընկերության հաշվեհամարին:

Բացի այդ, Գ.Խ.-ի որդիները, տեղյակ լինելով «Մուլտի գրուդ կոնցեռն» ՍՊ ընկերության գլխավոր տնօրեն Ա.Ա.-ի կողմից 33 ՊԵԿ նախագահի պաշտոնը զբաղեցրած իրենց հորն առանձնապես խոշոր չափերով՝ 22 մլն 185 հազար ԱՄՆ դոլարի և 206 հազար 500 եվրոյի կաշառք տալու համաձայնության մասին, հանդիպել են Ա.Ա.-ին և վերջինիս հետ քննարկել հանցագործության առարկան փոխանցելու տարբերակները:

Բացի այդ, Գ.Խ.-ի որդիները 2011-2016 թվականների ընթացքում լվացել են հանցաթյան դեպքում, պատժվում է տուգանքով՝ առավելագույնը քսանապատիկի չափով, կամ կարճաժամկետ ազատազրկմամբ՝ առավելագույնը երկու ամիս ժամկետով, կամ ազատազրկմամբ՝ առավելագույնը երկու տարի ժամկետով:

ՔՆՍՐ ՄԱՆՈՒԿՍԱՆ

ՎՐԱԵՐԹ՝ ԵՐԵՎԱՆՈՒՄ
Դեկտեմբերի 14-ին մահվան էլքով վրաերթ է տեղի ունեցել Երեանում: Ժամը 07:40-ի սահմաններում Արագածոտնի մարզի բնակիչ 65-ամյա Սարգիս Ե.-ն իր վարած «ՎԱԶ 2102» մակնիշի ավտոմեքենայով Գրիգոր Զարարյանի փողոցի թիվ 8/2 հասցեի դիմաց՝ վերագետնային անցման մոտ, վրա-

կիր ճանապարհով ստացված 1 մլրդ 555 մլն դրամ, 97 մլն 203 հազար ԱՄՆ դոլար, 2 մլն 65 հազար եվրո:

Մասնավորապես՝ Գ.Խ.-ի որդիներ Ա.Խ.-ն, Գ.Խ.-ն և եղբոր որդի Ա.Խ.-ն մասնակցել ու ղեկավարել են Հայաստանի Հանրապետությունում գործունեություն իրականացնող շուրջ 48 ընկերություն, և օգտվելով Գ.Խ.-ի զբաղեցրած պաշտոններով պայմանավորված հովանավորությունից՝ 2011-2016 թվականների ընթացքում թաքցրել են վերոնշյալ կազմակերպությունների գործունեության իրական ծավալները:

Արդյունքում առաջացել են չհայտարարագրված և հարկային մարմնի հսկողությունից դուրս մնացած եկամուտներ՝ 1 մլրդ 555 մլն դրամ, 97 մլն 203 հազար ԱՄՆ դոլար, 2 մլն 65 հազար եվրո: Հանցավոր ճանապարհով ձեռք բերված գումարները 2011-2016 թվականների ընթացքում տրամադրել են բանկերից մեկում որպես վարորդ աշխատող Ա.Պ.-ին և հանձնարարել վարձատրության դիմաց կանխիկ մուտքագրել իրենց կողմից տրված բանկային հաշվեհամարներին:

Ա.Պ.-ն իրեն փոխանցված կանխիկ գումարները մուտքագրել, ապա բանկային գործարքով փոխանցել է փաստացի Գ.Խ.-ի որդիների և եղբոր որդու հետ փոխակապակցված արտերկրում, այդ թվում՝ օֆշորային գոտիներում գրանցված, ՀՀ-ում որդեկ և տնտեսական գործունեություն չիրականացնող հինգ ընկերությունների հաշվեհամարներին, միախառնել այլ միջոցների հետ: Գումարները փոխանցումների և կանխիկացումների միջոցով տնօրինվել են Գ.Խ.-ի որդիների և նրանց հետ փոխակապակցված անձանց կողմից:

Բացի այդ, Գ.Խ.-ի եղբոր որդի Ա.Խ.-ն, հանդիսանալով «Մեգա ֆուդ» ՍՊ ընկերության միակ հիմնադիրը և տնօրենը, 2011, 2012, 2014, 2015 և 2016 թվականներին հարկային մարմիններ ներկայացրած փաստաթղթերում մտցրել է ակնհայտ կեղծ տվյալներ և չի վճարել 369 մլն 439 հազար դրամի լրացուցիչ հարկային պարտավորություններ:

Բացի այդ, Ա.Խ.-ն, հանդիսանալով Գ.Խ.-ի որդիների կողմից հիմնադրված «Ապեյրոն» ՍՊ ընկերության տնօրենը, 2011-2016 թվականների ընթացքում հարկային մարմիններ ներկայացված փաստաթղթերում մտցրել է ակնհայտ կեղծ տվյալներ և չի վճարել 424 մլն 555 հազար դրամի լրացուցիչ հարկային պարտավորություններ:

Դատախազը հանրային քրեական հետապնդում է հարուցել Գ.Խ.-ի որդի Ա.Խ.-ի նկատմամբ:

ԿԱՐԵՎՈՐ

ԳՈՂՈՒԹՅՈՒՆ՝ ՕՏԱՐԵՐԿՐԱՑՈՒՑ

Նոյեմբերի 29-ի ժամը 20:00-ին ոստիկանության Կենտրոնական բաժին էր ներկայացել Արգենտինայի Հանրապետության 34-ամյա մի քաղաքացի և հայտնել, որ Սայաթ-Նովայի պողոտայի և Աբովյան փողոցի խաչմերուկում գողացել են իր պայուսակը, որի մեջ անձնագիր, փող, նույնականացման քարտ և 2 բջջային հեռախոսներ էին:

Կենտրոնական բաժնի քրեական հետախույզների ձեռնարկած օպերատիվ-հետախույզական միջոցառումներով պարզվել է նշված արարքը կատարողի ինքնությունը:

Հետագա ձեռնարկած միջոցառումների արդյունքում դեկտեմբերի 7-ին քրեական հետախույզները Վարդանանց փողոցում հայտնաբերել, գողություն կատարելու կասկածանքով ձերբակալել և ոստիկանության Կենտրոնական բաժնի են տարել երեանցի 40-ամյա տղամարդուն, ապա կազմված փաստաթղթերի հետ ներկայացրել են նախաքննական մարմին, որտեղ նա խոստովանել է արարքը:

Ձեռնարկվում են միջոցառումներ՝ գողոնը հայտնաբերելու ուղղությամբ:

ԿՐԱԿԵԼ Է ՉԻԵՐԻՆ

Դեկտեմբերի 8-ին արտակարգ դեպք է տեղի ունեցել Արարատի մարզում: ՀՀ ՆԳՆ նախարարության ոստիկանության Արտաշատի բաժնի համայնքային ոստիկանության բաժանմունքում օպերատիվ տեղեկություններ են ստացվել, որ Զաղցրաշեն գյուղի բնակիչ 51-ամյա Համլետ Հ.-ն որսորդական հրացանով կրակել է վնասել է համազուգուցի 32-ամյա Ռուբիկ Ա.-ին պատկանող ծիռն է նրա քուռակին. հաղորդում է Shamshtyan.com-ը:

Գյուղ են մեկնել ոստիկանության Արտաշատի բաժնի օպերատիվ խումբ, որտեղ պարզվել է, որ ստացված տեղեկությունները հավաստի են, իսկ կրակելուց հետո Ռուբիկ Ա.-ն ստիպված է եղել մորթել ծիռն և քուռակին:

Տեղում պարզվել է, որ կրակելու պատճառը եղել է այն, որ ծիռը մտել էն Համլետ Հ.-ի հողամաս, ինչից վերջինս նեղսրտել է ու «մուռը հանել է»՝ ծիռի վրա կրակելով:

Ոստիկանները նրա հետ կատարել են բացատրական աշխատանք. վերջինս ոստիկաններին է ներկայացրել 12 մմ տրամաչափի «Իժ-27 ԵՍ» տիպի երկփողանի որսորդական ողորկափող հրացանը:

Դեպքի փաստով ոստիկանության Արտաշատի բաժնում փաստաթղթեր են ձեւակերպվել, որոնք փոխանցվել են Հայաստանի քննչական կոմիտեի Արարատի մարզային քննչական վարչություն:

Տուժածը ոստիկաններին հայտնել է, որ իրեն պատճառվել է մոտ 700 հազար դրամի վնաս:

ՈՒՇԱԳՐԱԿ

ՀԱՎԱՔԻՑ ԽՈՒՄԱՓԵԼ Է

«Ժողովուրդ» օրաթերթը պարբերաբար անդրադառնում է վարժական հավաքներից խուսափողների նկատմամբ հարուցված քրեական գործերին: Այսպիսով, պարզեցինք, որ 2023 թվականին վարժական հավաքներից խուսափելու համար շուրջ 40 անձի վերաբերյալ քրեական գործեր են ուղարկվել դատարան, և նրանց մեղադրանք է առաջադրվել՝ ՀՀ քրեական օրենսգրքի 462-րդ հոդվածի առաջին մասի հատկանիշներով: Ըստ Քրեական օրենսգրքի 462-րդ հոդվածի առաջին մասի՝ անցկացվող վարժական հավաքից խուսափելը՝ այդ վարժական հավաքից ազատվելու՝ օրենսդրությամբ սահմանված հիմքերի բացակայու-

թյան դեպքում, պատժվում է տուգանքով՝ առավելագույնը քսանապատիկի չափով, կամ կարճաժամկետ ազատազրկմամբ՝ առավելագույնը երկու ամիս ժամկետով, կամ ազատազրկմամբ՝ առավելագույնը երկու տարի ժամկետով:

● Ըստ ոստիկանության տվյալների՝ Հայաստանի Հանրապետությունում դեկտեմբերի 13-ից 14-ը բացահայտվել է հանցագործության 95 դեպք, որոնցից 6-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՀԵՌԱՑԻՐԵԼ ԵՆ ԳՊՐՈՑԻՑ

Տավուշի մարզպետ Յայկ Ղալումյանը դեկտեմբերի 4-ին որոշել է Նարինե Բուդուրյանին ազատել Վերին Կարմիրաղբյուրի միջնակարգ դպրոցի տնօրենի պաշտոնից՝ լուծելով նրա հետ 2018թ. դեկտեմբերի 3-ին կնքված աշխատանքային պայմանագիրը: 2023թ. հոկտեմբերին այդ դպրոցի 8-րդ դասարանում անգլերեն լեզվի գրավոր աշխատանքի ժամանակ ուսուցչուհի Այա Ավագյանը լավ սովորող աշակերտուհուն կասկածել է գրավոր առաջադրանքի պատասխանները արտագրելու մեջ, գրավոր աշխատանքը խլել է աղջկանից, վիրավորական արտահայտություններ թույլ տվել նրա հասցեին: Աշակերտուհին թողել է դասարանը, արցունքն աչքերին՝ գնացել է իրենց տուն: Դպրոցի մանկավարժական խորհրդում Այա Ավագյանը հայտարարել է, թե այդ աշակերտուհին եւ իր ծնողները պետք է իրենց ծնաչք ներդրություն խնդրեն:

Մարզպետ Ղալումյանը, պատասխանելով «Ժողովուրդ» օրաթերթի հարցմանը, հայտնել է, որ մարզպետի աշխատակազմը դեպքի առթիվ բանավոր նկատողություն է տվել Ա. Ավագյանին եւ տնօրեն Ն. Բուդուրյանին:

Վ. Կարմիրաղբյուրում անչափահասի մասնակցությամբ եւս մի արտակարգ իրավիճակ է եղել: 14-ամյա աղջկա հետ սեռական հարաբերություն ունենալու առթիվ հարուցված քրեական գործով նույն գյուղի բնակիչ, 58-ամյա եւ 57-ամյա տղամարդկանց նկատմամբ խափանման միջոց է ընտրվել տնային կալանքը: 14-ամյա աղջիկը կատարվածից հետո դպրոցը թողել է, տեղափոխվել, այժմ բնակվում է Բերդ քաղաքում ապրող իր հարազատի հետ: Մարզպետ Յ. Ղալումյանը դեպքի վերաբերյալ «Ժողովուրդ» օրաթերթին հայտնել է. «Բերդ համայնքի Վերին Կարմիրաղբյուր գյուղի 14-ամյա աղջկա հետ կատարված դեպքի կապակցությամբ տեղի է ունեցել քննարկում մարզպետի աշխատակազմի աշխատակիցների, համայնքի ինստիտուցիայի եւ հոգաբարձության մարմնի, ՄԱԾ Բերդի տարածքային կենտրոնի, ոստիկանության համապատասխան աշխատակիցների եւ համայնքում գործող երեխայի հարցերով զբաղվող ԶԿ-ների ու միջազգային գործընկեր կառույցների ներկայացուցիչների մասնակցությամբ, որի ընթացքում քննարկվել են դեպքի առկա հանգամանքները եւ երեխայի հետ իրականացվելիք առաջնային քայլերը: Համայնքի ինստիտուցիայի եւ հոգաբարձության մարմնի կողմից աշխատանքներ են իրականացվում երեխայի իրավունքների պաշտպանության ուղղությամբ: Համայնքի համապատասխան աշխատակիցների կողմից իրականացվել են անհրաժեշտ սոցիալ-հոգեբանական, վերականգնողական, վարքային խնդիրների լուծմանն ուղղված եւ այլ ծառայություններ: Դիտարկվել է նաեւ անհրաժեշտության դեպքում, համագործակցելով իրավապահ մարմինների հետ, երեխայի ժամանակավոր տեղավորման հարցը կարճաժամկետ խնամքի որել հաստատությունում: Գործը գտնվում է դեռեւս նախաքննության փուլում, ուստի երեխայի հետագա խնամքի եւ դաստիարակության վերաբերյալ վերջնական որոշում հնարավոր է կայացնել նախաքննության ավարտից հետո»:

ՈՍԿԱՆ ՍՈՐՈՑՅԱՆ Տավուշ

ՄԱՆՐԱՄԱՍՆԵՐ

ԻՆՉՈ՞Ւ ԵՆ ԱԶԱՏՎԵԼ ԱՇԽԱՏԱՆՔԻՑ

Գեկեմբերի 13-ին Երևանի ֆաղափառեթարանի մամուլի ֆաբրիկայի Հայկ Կոստանյանը ֆեյբուքյան իր էջում հայտնեց ավտոբուսի 31 վարորդների՝ աշխատանքից ազատման մասին: «Երևանի ֆաղափառեթարան իր ենթակա կազմակերպություններում աշխատանքային կարգադաշտության եւ մասնագիտական դասակարգումների քննարկումների, ինչպես նաեւ այլ արասավոր երեսույթների դեմ հետադարձ, խիստ միջոցներ է կիրառում եւ ցարունակելու է կիրառել:

Մանկապարտեզների տնօրենների ազատման՝ նախորդ գրառմանս համատեքստում ուզում եմ տեղեկացնել, որ «Երևանի ավտոբուս» ՓԲԸ-ում նույնպես աշխատակիցներ (վարորդներ) են ազատվել աշխատանքից:

Մասնավորապես՝ ս.թ. սեպտեմբերի 1-ից մինչև դեկտեմբերի 12-ն ընկած ժամանակահատվածում քաղաքացիների հետ ոչ պատշաճ վերաբերմունքի, երբեմն կոչության ընթացքում թույլ տված պարբերական խախտումների, ինչպես նաեւ ծառայողական այլ խնդիրների պատճառով 31 վարորդ ազատվել է աշխատանքից»,- գրել էր Կոստանյանը:

«Ժողովուրդ» օրաթերթի տեղեկություններով՝ պատճառները տարբեր են եղել տարբեր վարորդների դեպքում: Գաղտնիք չէ, որ Zhongtong եւ MAN ավտոբուսների մեջ կան տեսանկարահանման սարքեր, որոնք տեղակայված են ավտոբուսի տարբեր մասերում, այդ թվում՝ վարորդի նստատեղիի հարող տարածքում, որը ֆիքսում է նաեւ հենց այդ տարածքում տեղի ունեցող իրադարձությունները:



Օրվա կամ շաբաթվա վերջին տեղի է ունենում մոնիթորինգ, որի ժամանակ ուսումնասիրվում է տեսախցիկների բովանդակությունը: Տեղի ունեցած մոնիթորինգի արդյունքում հայտնի են դարձել մի շարք խախտումներ, որոնք հանդիսացել են պատճառ վարորդների աշխատանքից ազատման: «Ժողովուրդ» օրաթերթին հասած տեղեկությունների համաձայն՝ դեպքերից մեկը կապված է եղել վարորդի՝ ուղեւորի հետ ոչ պատշաճ խոսելու, անպարկեշտ արտահայտություններ օգտագործելու հետ:

Մյուս դեպքում վարորդը, գումարի համար նախատեսված արկղիկից զատ, տրամադրվող ուղեվճարը օրվա վերջին չի ներկայացրել որպես մուծում, այլ կերպ ասված՝ իրեն է պահել: Մեկ այլ դեպքում աշխատանքից ազատման պատճառ է դարձել դեկին ծխելը: Տրանսպորտային միջոցն անկանոն վարելը եւս դարձել է վարորդների՝ աշխատանքից ազատման պատճառ: Այս պահին վարորդների պակաս չկա, ավտոբուսները շահագործվում են, ինչպես հարկն է:

ՍՈՐՈՑՅԱՆ ՂԱԶԱՐՅԱՆ

ԲՈՂՈՔ

ՎՐԱՑԱԿԱՆ ՀԱՄԱՐՆԵՐՈՎ ՄԵՔԵՆԱՆԵՐ

«Ես աջ դեկով մեքենա եմ ներմուծել, հիմա ասում են, որ դրա ներմուծումը 2018 թվականից արգելվել է: Եթե չեմ կարելի, թող թույլ չսային ներմուծել», - դեկեմբերի 14-ին կառավարության դիմաց վրացական համարանիշներով ավտոմեքենաների վարորդների բողոքի ակցիայի ժամանակ, լրագրողների հետ զրույցում ասաց ակցիայի մասնակիցներից մեկը:



«Մենք իրենց սիրուն աչքերի համար չէ, որ վրացական համարանիշերով ենք բերել: Ինձ համար ավելի հաճելի է, որ հայկական համարներով լինի, ես իմ հայկական գույքի վճարները անեմ: Հիմա իմ ընտանիքը պահելու համար ես դուրս եմ գալիս «Յանդեքս» քշելու: Գնացել, հասել եմ Գյումրի, որ մաքսագերծեմ, ինձ ասում են՝ քոնը աջ դեկ է, չես կարող: Բա ինչո՞ւ եք թողել, որ բերեմք: Ինձ ասում են՝ Հայաստանում «ռուլդ» փոխիր, բեր: Իմ մեքենան էնպիսի մեքենա է, որ չեմ կարող փոխել: Ես որ փոխեմ, իմ ընտանիքի հետ մի բան պատահի, կառավարությունը պատասխան է տալու՞ դրա համար», - նշեց վարորդը: Հիշեցնենք, որ նրանք իրենց բողոքի ձայնն են բարձրացնում ընդունված Նոր օրենքի դեմ, ըստ որի՝ մինչև հունվարի 1-ը պետք է իրենց ավտոմեքենաները կամ մաքսագերծեմ, կամ Հայաստանից դուրս հանեն:

Նրանք պահանջում են, որ նախ վերանայեն մաքսագերծման տոկոսները եւ 30 տոկոսից դարձնեն 10 տոկոս, երկրորդ՝ աջ դեկով մեքենաների մասով գիշումներ անեն, որպեսզի կարողանան այդպես մաքսագերծել, քանի որ կան աջ դեկով մեքենաներ, որոնց դեկը չի կարող փոխվել աջից ձախ, երրորդ՝ երկարացնեն ժամանակահատվածը գոնե 6 ամիս ժամկետով: Նշենք, որ կառավարության նախորդ նիստում որոշում ընդունվեց, որ

վրացական համարանիշներով մեքենաները պետք է մաքսագերծվեն, եւ դրա համար պետությունը որոշակի չափով սուբսիդավորում է: Մասնավորապես՝ մինչև 5 տարի տարիք ունեցող մեքենաների համար պետությունը սուբսիդավորում է մաքսատուրքի 30 տոկոսը, իսկ 5 տարի եւ ավելի տարիք ունեցող մեքենաների համար՝ 70 տոկոսը: Մեքենաների սեփականատերերը կվճարեն մաքսատուրքի 30 տոկոսը:

● Անցած 1 օրվա ընթացքում Հայաստանի Հանրապետությունում արձանագրվել է 25 ՃՏՊ. 34 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՀԱՍՏԱՏԵՑ

ՍԱՀՄԱՆԱԶԱՏՈՒՄՆ ԸՆԴՀԱՆՈՒՄ ԵՒ ՆԻՍՏԵՐԸ

«Ժողովուրդ» օրաթերթի փոխանցմամբ՝ կառավարությունը երեկ հաստատեց Հայաստանի եւ Ադրբեջանի պետական սահմանի սահմանազատման եւ սահմանային անվտանգության հարցերով հանձնաժողովների կազմակերպման եւ համատեղ աշխատանքային հանդիպումների կազմակերպման եւ անցկացման աշխատակարգը: Նախագիծը ներկայացրեց արդարադատության նախարարի տեղակալ Արա Մկրտչյանը:

Նախարարի տեղակալի խոսքով՝ նախագծի ընդունման հիմքում ընկած է հանձնաժողովների միջև սույն թվականի նոյեմբերի 30-ին ձեռք բերված եւ համաձայնեցված աշխատակարգի տեքստը, որի համաձայն՝ աշխատակարգը պետք է հաստատվի երկու երկրների կառավարությունների կողմից:

«Աշխատակարգով սահմանվում են երկու պետությունների ստեղծած սահմանազատման հանձնաժողովների հարաբերություններն ու նիստերի անցկացման ու համատեղ աշխատանքային հանդիպումների կազմակերպման ընթացակարգերը: Մասնավորապես՝ սահմանվում է, որ նիստերի անցկացման ամսաթիվը, ժամը եւ վայրը որոշվում են հանձնաժողովների նախագահների միջև համաձայնությամբ: Նիստերը, որպես կանոն, անցկացվում են հաջորդաբար Հայաստանի Հանրապետության կամ Ադրբեջանի Հանրապետության տարածքում, կամ Հայաստանի Հանրապետության եւ Ադրբեջանի Հանրապետության սահմանին կամ երրորդ երկրների տարածքում, ինչպես նաեւ տեսակոնֆերանսի ձեւաչափով:

Այն դեպքում, երբ նիստերն անցկացվում են հանձնաժողովներով ներկայացված պետություններից մեկի տարածքում, ընդունող կողմը ստեղծում է դրանց անցկացման համար անհրաժեշտ բոլոր պայմանները, այդ թվում՝ ապահովում է երաշխավորում է բոլոր մասնակիցների անվտանգությունը: Աշխատակարգը սահմանում է նաեւ այլ անհրաժեշտ կարգավորումներ», - նշեց Մկրտչյանը:

Հավելեց, որ նախարարի տեղակալն ընդգծեց՝ նախագծի ընդունումը կարեւոր քայլ կլինի հանձնաժողովների աշխատանքի կազմակերպման իրավական հիմքերի ամրագրման գործում, որի վրա հենվելով՝ հանձնաժողովները կկազմակերպեն իրենց հետագա գործունեությունը:

«Աշխատակարգի ընդունման արդյունքում Հայաստանի Հանրապետության եւ Ադրբեջանի Հանրապետության սահմանազատման հանձնաժողովների անդամներին հնարավորություն է ընձեռնվում նիստերի անցկացման եւ համատեղ աշխատանքների իրականացման միջոցով ստեղծել հիմքեր սահմանազատման եւ սահմանազծման գործընթացների, դրանց իրավական եւ տեխնիկական ասպեկտների մշակման համար՝ հետագայում երկու պետությունների միջև պետական սահմանի վերաբերյալ համապատասխան փաստաթուղթ մշակելու եւ ստորագրելու նպատակով», - ձեռագրակցեց Մկրտչյանը:

ՀԱՎԱՆՈՒԹՅՈՒՆ

ԱՌԵՎՏՈՒՐ ԵԱՏՄ-Ի ԵՎ ԻՐԱՆԻ ՄԻՋԵՎ

«Ժողովուրդ» օրաթերթի փոխանցմամբ՝ կառավարությունը դեկտեմբերի 14-ի նիստում հավանություն սվեց ԵԱՏՄ-ի եւ Իրանի միջև ազատ առեւտրի մասին համաձայնագրի ստորագրմանը:

Համաձայնագրի հիմնական խնդիրներն են՝
- Ազատ առեւտրի մասին համաձայնագրի շրջանակներում Ժամանակավոր համաձայնագրի կարգավորիչ մասի օգտագործումը որպես բանակցությունների հիմք՝ կարգավորիչ միջավայրը էականորեն բարելավելու համար:

- Իրանական շուկա ապրանքների առավելագույն հնարավոր տեսականու համար առանց մաքսատուրքի մուտքի ապահովում միաժամանակ ապահովելով Ժամանակավոր համաձայնագրում պարունակվող մուտքի պայմանների չվատարացումը ներմուծման մաքսատուրքերի վերացման վերաբերյալ պայմանավորվածությունների ձեռք բերման անհնարինության դեպքում:

Համաձայնագիրը կարգավորում է տնտեսական համագործակցության հարցերի լայն շրջանակ, մասնավորապես՝ իրավական եւ հորիզոնական պարտավորությունները, փոխադարձ առեւտրի ոլորացումն ու խթանումը, ներքին շուկայի պաշտպանությունը, մաքսային կարգավորումը, մրցակցությունը, սակիտարական եւ բուսասանիտարական միջոցառումները, առեւտրում տեխնիկական խոչընդոտները, ծագման կանոնների որոշումը, վեճերի լուծումը, պետական գնումները եւ այլ բնագավառներին առնչվող խնդիրներ: Համաձայնագիրը նախատեսում է ապրանքների արտահանման եւ ներմուծման գործընթացների ժամանակ կիրառվող կանոնակարգերի թափանցիկություն, ինչպես նաեւ առեւտրում պաշտպանիչ միջոցների կիրառման ժամանակ ԱՀԿ նորմերի ապահովում:

Համաձայնագրի անբաժանելի մաս են հանդիսանում նաեւ կից ցանկերը, որոնց մեջ ներառված ապրանքատեսակների հանդեպ կողմերը պատրաստ են տրամադրել սակագնային արտոնություններ:

Գյուղատնտեսական ապրանքների մասով հայկական կողմից ներկայացված առաջարկներում հիմնականում ներառված են այն ապրանքները, որոնք հանդի-



սանում են ՀՀ արտահանման առաջնային հետաքրքրություն ունեցող ապրանքներ, եւ որոնք ունեն նաեւ մեծ տեսակարար կշիռ ՀՀ-ից Իրան արտահանման ծավալներում, մասնավորապես՝ հանքային եւ գազավորված ջրեր, ոչ ոգելից խմիչքներ, շոկոլադ, հրուշակեղեն, ծխախոտ, ոչխարի միս, որոնց նկատմամբ կիրառվելու է Իրանի ներմուծման գրոյական մաքսատուրքեր:

Արդյունաբերական ապրանքների մասով հայկական կողմից ներկայացված առաջարկներում հիմնականում ներառված են այն ապրանքները, որոնք հանդիսանում են Հայաստանի արտահանման առաջնային հետաքրքրություն ունեցող ապրանքներ, եւ որոնք ունեն նաեւ մեծ տեսակարար կշիռ Հայաստանից Իրան արտահանման ծավալներում, մասնավորապես՝ հանքային հումք (պղնձի եւ ցինկի հանքաքար, մոլիբդենի հանքաքար), արծաթե իրեր, պղնձի անողներ, գույրջուգեներատորներ, էլեկտրոնային ծխախոտ, թերմոստատներ եւ այլն: Կազատակացվի մուտքը իրանական շուկա նաեւ էլեկտրաէներգիայի, օգտագործված մարտկոցների համար, կնվազեցվեն Իրանի ներմուծման մաքսատուրքերը ոսկերչական իրերի եւ դեղամիջոցների համար:

ՀՀ տնտեսության համար առավել զգալի որոշ գյուղատնտեսության մասով առաջարկվել է պահպանել եւ կիրառել ԵԱՏՄ տարածք ներմուծման սեզոնային սակագնային քվոտավորումները, սմբուկ, ձմերուկ եւ սեխ, ինչպես նաեւ սակագնային քվոտավորում արդյունաբերության ոլորտում պլաստմասից արտադրանքի մասով:

Հավելեց, որ համաձայնագրի շրջանակներում իրանական կողմն առաջին անգամ իր միջազգային առեւտրային համաձայնագրերի պրակտիկայում ամրագրում է ներմուծման մաքսատուրքերի գրոյականացման պարտավորություններ:

Համաձայնագրի համաձայն՝ ԵԱՏՄ անդամ պետությունների ապրանքների մատակարարում Իրան ապահովվելու է առանց անցումային ժամանակաշրջանների:

Համաձայնագրի կնքմամբ կանխատեսվում է էապես բարձրացնել ԵԱՏՄ անդամ պետությունների ապրանքների մրցունակությունն իրանական շուկայում, դրա հաշվին ավելացնել ապրանքների արտահանումը Իրան, ակտիվացնել կոոպերացիոն եւ ներդրումային համագործակցությունը:

ՈՐՈՇՈՒՄ

ԳՈՐԾԱՐԱՆԸ ԿՏԵՂԱՓՈԽՎԻ

«Ժողովուրդ» օրաթերթի սեղեկություններով՝ Երասխի մեքսուրգիական գործարանը, որը դարձրաբար աղբեղանակաճ կողմի կրակի սակ է, կփոխվի ու կկառուցվի Արարատի մարզի Արարատ գյուղում:

Կառավարության կողմից հաստատված որոշման հիմնավորման մեջ նշվում է, որ ներկայումս տարածաշրջանում առկա է ամրանների մեծ պահանջարկ, եւ ըստ հաշվարկների, այն կպահպանվի եւս 10-15 տարի, որը պայմանավորված է թե՛ Հայաստանում շինարարության մեծ ծավալներով, թե՛ բուս-ուկրախիտական պատերազմի հետեւանքով մատակարարման ծավալների կտրուկ անկմամբ:

Գործարանի տեղակայման համար կատարվել են ուսումնասիրություններ եւ ընտ-

րել Արարատի մարզի Երասխ համայնքին մերձակա արտադրական նշանակության տարածքներից մեկը:

Արտադրական հզորությունների ամբողջական գործարկման արդյունքում կստեղծվի մինչեւ 500 աշխատատեղ (առաջին փուլով՝ մոտ 240): Գործարանը կունենա 200-250մլն ԱՄՆ դոլարի տարեկան շրջանառություն:

Առաջին փուլով նախատեսվում է կառուցել սեւ մետաղի ջարդոնի վերամշակման գործարան՝ տարեկան 100-120 հազար տոննա արտադրականությամբ, երկրորդ փուլով արտադրական ծավալները կկրկնապատկվեն, եւ կկառուցվի նաեւ այլ մետաղական կոնստրուկցիաների եւ արտադրատեսակների գործարան (խողովակներ, տարբեր հատվածքի պրոֆիլներ, կոնտեյներներ եւ այլն):

Հավելեց, որ սկզբնական անհրաժեշտ ներդրումը կազմում է մոտ 29,9 միլիոն ԱՄՆ դոլար, որը կստացվի կանոնադրական կապիտալում ներդրման եւ ֆինանսական հաստատություններից ստացված փոխառության միջոցով:

«ՀՀ կառավարությունից ակնկալում է գործուն եւ արագ արձագանք գործարանի կառուցման վայրի տեղափոխման, արդեն իսկ կատարված ներդրումների փոխհատուցման, բանկային ֆինանսավորման աջակցության եւ հնարավոր տեղափոխման արդյունքում առաջացող վարչարարության հարցերում: Ըստ այդմ՝ առանձնացնում ենք հետեւյալ խնդիրը՝ 8.91000 հեկտար արտադրական հողատարածքի տրամադրում Արարատ խոշորացված համայնքում», - ասվում է հիմնավորման մեջ:

«Ժողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:



ԹՈՒՉՔՆԵՐ

ՀԱՐՑ. Flyone-ից տուն եմ գնել, բայց ուզում եմ հեռավար կամ գոնե օրը փոխել. ինչպե՞ս կարող եմ անել դա:

Արմեն Սերոբյան (52 տարեկան)



ՊԱՏԱՍԽԱՆ. Մեր www.flyone.eu կայքով առցանց գնված ավիատոմսը չեղարկելու կամ որոշ տվյալներ փոխելու համար ընտրեք Ձեզ հարմար եղանակը՝

- MyBookings-ից մուտքագրելով պատվերի/ավիատոմսի համարը եւ Ձեր ազգանունը՝ սեղմեք «Գտնել պատվերը» կոճակը: Ձեր պատվերի վերաբերյալ տեղեկատվությամբ «Տոմսերի փոխանակում» կոճակը հասանելի է էջի ներքեւում:
- «Իմ FLYONE» օգտահաշվից գործընթացը նման է նախորդին. անհրաժեշտ է միայն մտնել օգտահաշիվ կամ ստեղծել Ձեր անձնական օգտահաշիվը, եթե այն բացակայում է: Կապ հաստատեք մեզ հետ «Հետադարձ կապ» բաժնում հետադարձ կապի միասնական ձեւի միջոցով՝ բոլոր անհրաժեշտ դաշտերը պարտադիր լրացնելու պայմանով:

Flyone Հայաստան

«ԺՈՂՈՎՈՒՐԳ». Ավիատոմսի չեղարկումը կամ տվյալների փոփոխությունը կատարվում է կիրառվող սակագնի կանոններին համապատասխան, ինչը որոշ դեպքերում ենթադրում է տուգանքների կիրառում:

ԿՐԹՈՒԹՅՈՒՆ

ՀԱՐՑ. ԵՂԶ-ում ե՞րբ է կազմակերպվում առկա ուսուցմամբ աստիճանադարձի ընդունելությունը: Աիդա Մարդյան (26 տարեկան)



ՊԱՏԱՍԽԱՆ. Առկա ուսուցմամբ (անվճար եւ վճարովի հիմունքներով) ասպիրանտուրայի ընդունելությունը սովորաբար կազմակերպվում է ընթացիկ տարվա մայիս-հունիս ամիսներին:

Երեւանի պետական համալսարան

«ԺՈՂՈՎՈՒՐԳ». Ասպիրանտուրա ընդունվելու համար անհրաժեշտ փաստաթղթերի ընդունման եւ մասնագիտական քննության անցկացման հստակ ժամկետները ԵՂԶ-ն դիմորդներին ներկայացնում է ՀՀ ԿԳՄՍՆ սահմանած ժամանակացույցը ստանալուց հետո՝ տարածելով համապատասխան հայտարարություն(ներ):

Էջը՝ ՄԱՐԻԱՍ ՂԱԶՈՐՅԱՆԻ

ԼՈՒՐ ԿԱԴՐ

Լուսանկարը՝ համացանցից



Հայաստանի ծանրամարտի կանանց հավաքականի անդամ, 87 կգ քաշային Հռիփսիմե Խուրշուդյանը ոսկե մեդալ է նվաճել Կատարի մայրաքաղաք Դոհայում ավարտին մոտեցող ծանրամարտի Գրան պրիում երկամարտի 232 կգ արդյունքով (106 + 126 կգ):

«Պոկոն» եւ «Հրում» վարժություններում էլ հայ մարզուհին արժանացել է փոքր արծաթե մեդալների՝ գլխավորելով պահելով համապատասխանաբար 106 եւ 126 կգ կշռող ծանրաձողերը:

ԲԱԺՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայամուկ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	-2 - 5 +2 + 7	Արարատ	0 + 3 + 7 + 10
Կոտայքի լեռներ	-2 - 4 +2 + 5	Արմավիր	+2 + 5 + 8 + 10
Կոտայքի նախալեռներ	0 + 2 + 6 + 9	Վայոց ձորի լեռներ	0 - 3 + 2 + 4
Գեղարքունիք	-2 - 3 + 4 + 5	Վայոց ձորի նախալեռներ	+ 3 + 6 + 9 + 11
Լոռի	-1 - 3 + 10 + 12	Սյունիքի հովիտներ	+ 4 + 6 + 7 + 10
Տավուշ	0 + 3 + 8 + 11	Սյունիքի նախալեռներ	+ 1 + 3 + 4 + 7
Արագածոտնի լեռներ	-3 - 5 + 2 + 4	ԼՂՀ	+ 2 + 4 + 4 + 6
Արագածոտնի նախալեռներ	+ 2 + 5 + 5 + 9	Երեւան	+ 3 + 5 + 6 + 8

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՞/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 14.12.2023

Գլխավոր խմբագիր՝
ԶՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: